

Latit.
Gr. Scr.

31. 51.

Longit.
Gr. Scr.

65. 48.

32. 58.

67. 22.

32. 19.

67. 31.

31. 16.

67. 20.

31. 23.

67. 22. $\frac{1}{2}$

31. 42.

66. 2. $\frac{1}{2}$

INDEX GEOGRAPHICUS.

Beth-sames alia est in Tribu Dan, seu Juda, quæ quamquam non descripta sit inter omnes urbes, quas Josue recenset in Tribu Juda 15. ea tamen inter Leviticas urbes è Tribu Juda sumptas dicit Josue 21. v. 16. & 1. Paral. 6. v. 59. ubi Beth-semes scribitur: Eaque ipsa est, cuius incolæ, cùm Arcam Dei à Philisthæis ex Azoto remissam suscepissent, & curiosi introspexissent, percussi sunt ex principibus viris septuaginta, & ex plebe quinquaginta millia, 1. Reg. 6. v. 19. Beth-sames fuit sub præfectura Bendecar, 3. Reg. 4. v. 9. In ea etiam, aut penes urbem Amasias Rex Juda à Joa filio Ochoziæ rege Israël percussus & captus est, 4. Reg. 14. v. 12. 13. 2. Paralip. 25.

Beth-sames tertia est, eaque in tribu Nephthalim, in qua decima nona & omnium ultima describitur, Josue 19. v. 38. Hujus autem urbis ubique mentio cum Beth-anath. V. Beth-anath.

Beth-san, posteà Scythopolis, Josue 17. v. 11. Fuitque hæreditas Manasse Beth-san, & viculi ejus; sic & v. 16. Judic. 1. v. 27. Manasses quoque non delevit Beth-san. 1. Reg. 31. Saule, filiusque ejus in montibus Gelboë victis, cæsisque; Philistiim præciderunt caput Saül, & spoliaverunt eum armis, & posuerunt arma ejus in templo Astaroth, corpus vero suspenderunt in muro Beth-san. 3. Reg. 4. v. 12. Inter Salomonis principes, Bana filius Ahilud regebat... universam Beth-san. Urbs ipsa est in Decapoli, & penes Jordanem; & Mare Galilææ, inter utramque Tribus Manasses partem posita. Scythopolim eam vocat Joseph. 6. Ant. c. ult. Nyssam Plinius. Sub Scytopoleos nomine celeberrima fuit primis Christianorum temporibus.

Beth-secca, quam cum Bezem eam facio, Judic. 7. v. 23. fugientes usque Beth-setta (legunt alii Beth-secca) & crepidinem Abel-mehula in Tebbath; de Madianitis, quos Gedeon insequitur. Beth-zeca scribitur 1. Machab. 7. v. 19. Et movit Bacchides castra ab Jerusalem, & applicuit in Beth-zeca... & comprehendit multos ex eis, qui à se effugerant; & quosdam de populo maectavit, & in puteum magnum projecit. Bezem mihi eadem est. Judic. 1. v. 4. Ascendit Judas (qui post Josue Dux fuit in Israël) & tradidit Dominus Chananæum, & Pherezæum in manus eorum: & percusserunt in Bezem decem millia virorum, v. 5. inveneruntque Adoni-besec in Bezem, v. 6. comprehendenteruntque cæsis summitatibus manuum ejus & pedum. 1. Reg. 11. v. 1... Cum Saül populum omnem ad bellum convocasset contra Ammonitas, qui à civibus Jabel-Galaad oculum dextrum eruere volebant. v. 8. Saül recensuit eos (Israëlitas) in Bezem: fueruntque filiorum Israël trecenta millia; virorum autem Juda triginta millia. v. 9. & dixerunt nuntiis (Jabel-Galaad) qui venerant... Cras erit vobis salus. Ex quo Bezem, quæ cis Jordanem, non longè à Jabel-Galaad, quæ trans Jordanem.

Beth-semes. V. Beth-sames.

Beth-simoth, Numer. 33. v. 49. Castrametri sunt (Israëlitæ) de Beth-simoth usque ad Abel-satim in planioribus locis Moabitum. Urbs postea fuit in Tribu Ruben, Josue 13. v. 20. Beth-jesimoth legit Ezechiel 25. v. 9.

Beth-sur in nona parte Tribus Judæ, in qua urbes sex, secunda est, Josue 15. v. 58. inter Halhul & Gedor posita. Eam muniit Roboam, 2. Paral. 11. v. 7. In 2. Esdr. 3. v. 16. Nehemias filius Azboc dicitur Princeps dimidiæ partis vici Beth-sur. Beth-sura legitur 1. Machab. 4. v. 61. quam Judas Machab. iterum munivit, ut haberet populus munitionem contra faciem Idumææ. 6. v. 7. Beth-suram dicit suam i. in patrimonio Judæ Machabæi; v. autem 50. comprehendit Rex (Antiochus Eupator) Beth-suram, & constituit custodiam, 9. v. 52. & munivit civitatem Beth-su-

ram